



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 59. Ferdinandus Gallorum apparatu territus.

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

jurium obtentu ad Siciliam quoque vi-
 stricibus armis procurfuros.

Sæcul. XV.

A C. 1493.

§. LIX.

*Ferdinandus Gallorum apparatu
 territus*

Rex Neapolitanus, quamvis ingentem
 rerum, viriumque suarum fiduciam
 verbis jactitaret, re tamen ipsa imminen-
 tis periculi consideratio terrorem eidem
 incussit; accessit etiam memoria malo-
 rum, quibus eum, suumque Patrem An-
 degavensis ac Calabriensis Duces pene
 oppresserant, unde præsentire videbatur,
 quæ timenda forent, si ipse Galliarum
 Rex adversus eum agmen duceret. E-
 nimvero nec panicus erat Ferdinandi
 timor; qua ratione enim, cum jam olim
 a memoratis Principibus regno suo
 exutus esset, nunc audeat repellere im-
 petus juvenis cujusdam Regis, qui ipse
 fortissimo exercitui imperans hoc unum
 destinatum habet, ut ei coronam eripiat,
 quam sibi jure deberi contendit? Quo-
 demum auxilio fretus, Gallo resistat Fer-
 dinandus, qui Nobilium invidiam in se
 concitavit, & tyrannide populos suos a-
 deo oppressit, ut his nil magis sit in
 votis, quam ejus jugum excutere, cum
 interea is nullius Italiae Principis amici-
 tiam sibi polliceri potest, quos omnes la-
 cessivit,

Sæcul. XV.
A. C. 1493.

cessivit, aut bella illis denunciando, aut diffidia inter eos spargendo, aut eorum subditos ad seditionem in suos Dominos commovendo? nec in ærario suo satis referto spem reponere poterit; hoc enim semel exhausto, unde novas acquireret suppetias, Gallis Neapolin ingressis, omnemque ipsi a regno opem præcedentibus? (*) Enimvero Ferdinandus in hiscerum angustiis deprehensus consultissimum fore arbitratur, Gallorum iram placare. Nec deerat occasio; quippe Fridericus de Aragonia secundo genitus ejusdem filius ex uxore sua Sabauda, quæ Caroli VIII. Matertera erat, filiam suscepit, eamque Ducissa Borbonii illius Patruelis in aula Franciæ educatam Scotorum Regi, qui ejusdem nuptias ambiebat, jungere meditabatur; unde decentiæ legibus consonum videbatur, ut in Galliis, ubi sponsa agebat, ejusmodi festivitas celebraretur.

§. LX.

(*) Tota hæc oratio delectabilius legeretur in quodam Panegyrista assentionibus assueto, vel in quodam novellarum Scriptore; tædium vero parit Historiæ Ecclesiasticæ Lectoribus, qui sermonis gravitatem, facti veritatem, & ad eruditionem idoneas relationes expectant. Ceterum susceptæ expeditionis successus harum rationum vim demonstrabat.